

VIJESTI



Konačno je neko osuđen

Članovi Komisije o civilnim žrtvama rta Općine Tuzla na jučerašnjoj pres-konferenciji izrazili su nezadovoljstvo visinom kazne na koju je osuđen Novak Đukić za granatiranje tuzlanske Kapije. Ipak, zadovoljni su činjenicom da je konačno neko osuđen za ubistvo tuzlanske mladosti.

„Sudilo mu se i po komandnoj i po ličnoj odgovornosti i zbog toga smatramo da je 25 godina za 71 ubijenu osobu i više od 150 ranjenih niska kazna. Nadamo se da će u žalbenom postupku kazna biti povećana“, kazao je predsjednik Komisije Hilmo Bučuk. **S. K.**



Prijem za učenike generacije

Premijer Bosansko-podrinjskog kantona (BPK) Nazif Uručić i ministrica obrazovanja Alma Delizaimović organizirali su prijem za učeničku generaciju škola iz BPK-a Gorazde. Uz diplome i čestitke uručene su im i skromne novčane nagrade te rečeno da će imati podršku u nastavku školovanja.

Titulu učenika generacije u školskoj 2008/09. godini ponijeli su: Jasmin Hasanović MSŠ "Enver Džerđević", Senada Kovačević SSŠ "Dožemal Bijedić", Semir Perla STS "Hasib Hadžović", Emir Emin Uglješa OŠ "Hasan Turčalo Brzi", Eldin Adilović OŠ "Fahro Baščelija", Aldijana Mujkić OŠ "Mak Dizdar", Amer Drljević OŠ "Husein ef. Dozo", Mirvana Ahmetpašić OŠ Ustikolina, Mirnes Čutuk OŠ Prača i Berina Raščić OŠ "Avdo Smajlović". **A. H.**

Milkica Milojević predsjednica BH novinara

U Banji Vrućici kod Teslića jučer je održana druga izborna skupština Udruženja/udruge BH novinara, na kojoj su razmatrani izvještaji o prethodnom i budućem radu, te usvojeni poslovni plan i program rada za naredni period. Za novu predsjednicu Udruženja izabrana je Milkica Milojević iz Banje Luke, a potpredsjednica je Dženana Karup - Druško. U novi Upravi odbor izabrani su: Belmin Karamemedović, Ahmed Burić, Aleksandar Hršum, Tihomir Bijelić, Mirza Sadiković, Velida Kladenović, Josip Blažević, Sandra Josović, Vladimir Šušak, Marko Divković, Vlatko Vukotić i Fuad Kovačević. U novinarsko Vijeće časti izabrani su Emir Habul, Tanja Topić, Dragan Jerinić, Sinan Alić i Vildana Selimbegović.

Državni i entitetski ministri prometa i komunikacija o putevima Neće biti drastičnih izmjena koridora 5c

Nema razloga za bojazan da će autocesta ugroziti ekonomski razvoj Blagaja, poručio ministar Božo Ljubić

Ministar komunikacija i prometa BiH Božo Ljubić razgovarao je jučer u Mostaru s entitetskim ministrima komunikacija Nailom Šećkanovićem i Nedjeljkom Čubrilovićem o pripremama za nastavak izgradnje jadransko-jonske ceste od Ploča prema jugu i crnogorskoj granici.

Ekonomski razvoj

Po riječima ministra Ljubića, jučerašnji sastanak imao je za cilj da federalna Vlada i Vlada Republike Srpske ubrzano donesu odluku da izgradnju ove prometnice proglase od interesa i da se nakon toga stupi u kontakt s članicama Jadransko-jonske inicijative: Hrvatskom, Albanijom, Crnom Gorom i Grčkom, s ciljem zajedničkih priprema i projektiranja te autoceste.

Govoreći o značaju jadransko-jonske autoceste, ministar Ljubić je kazao kako će taj prometni pravac doprinijeti ekonomskom razvoju jugoistočne Hercegovine koja je, po njego-

voj ocjeni, demografski i ekonomski devastirano područje.

- Ova cesta BiH spaja sa zemljama jugoistočne Europe: Albanijom, Crnom Gorom i Grčkom, te na taj način BiH stavlja, na neki način, u centar prometa ove regije, ocijenio je ministar Ljubić, dodavši kako ova autocesta također povezuje koridor 5c s jugoistokom Evrope.

Ministar Ljubić osvrnuo se na peticiju lokalnog stanovništva Blagaja kod Mostara koje se buni protiv predložene trase koridora 5c, kazavši da je svaki autoput doprinio gospodarskom razvoju mjesta kroz koja prolazi, te da nema razloga za bojazan da će autocesta ugroziti ekonomski razvoj Blagaja.

Višegodišnji projekat

Izrazio je nadu da će se iznaći zajednički interes, naglasivši da drastičnih izmjena trase koridora 5c neće biti.

Podsjetio je da BiH ima obaveze prema Svjetskoj banci i Evropskoj razvojnoj banci koje



Koridor 5c: Svjetska banka i Evropska razvojna banka projekt kreditiraju s oko milijardu maraka

IZGRADNJA PUTEVA Početkom naredne godine počinje izgradnja koridora 5c na četiri tačke kod Svilaja, na rijeci Savi, dionici od Kaknja prema Zenici, dionici Sarajevo - Tarčin, te dionici od Počitelja prema granici sa Hrvatskom

taj projekt kreditiraju s oko milijardu maraka.

Što se tiče dinamike izgradnje koridora 5c, Ljubić je najavio da u prvoj polovici sljedeće godine počinje izgradnja na četiri tačke, i to: kod Svilaja, na rijeci Savi, zatim nastavak radova na dionici od Kaknja prema Zenici, dionici Sarajevo - Tarčin, te dionica od Počitelja prema granici sa Hrvatskom.

Projekt se odvija u skladu s dinamikom studije izvodljivosti, te bi trebao biti završen do 2012. godine, zaključak je ministara komunikacija i prometa Bože Ljubića.

Osobe s umanjnim sposobnostima zaslužuju jednake mogućnosti Članovi Svjetla bačeni u mrak

Ispovijesti ljudi sa umanjnim sposobnostima bi trebali pogledati skupštinski poslanici

Umjesto izvještaja sa jučerašnje sesije x-pressa, koju organizuje udruženje Cure, na kojoj je stvarni domaćin bio Harris Čaušević, izvršni direktor NVO altruista Svjetlo, možda bi za osobe s umanjnim sposobnostima korisnije bilo pustiti snimljenih 12 ispovijesti porodica koje je ovdajna vlast ostavila bez njihovih prava. Svi oni, bačeni u mrak, članovi su Svjetla.

Poklon za poslanike

Riječ je, naravno, o izmjenama i dopunama federalnog Zakona o socijalnim potrebama, o čijim su katastrofalnim posljedicama (80.000 osoba s invaliditetom nižim od 90 posto ostalo bez svojih dotadašnjih prava) govorili članovi tog udruženja. Svi oni su, i uz ukinuta prava, jedva sastavljali kraj s krajem.

„Razmišljamo da tu traku poklonimo poslanicima“, kazao je Čaušević.

No, o statusu osoba s umanjnim sposobnostima može reći i primjer samo jedne porodice koja živi pod Grdonjom i koja izvlači iz sebe posljednju snagu da bi mogla pružiti ono



Jučerašnja sesija u Sarajevu: Nastavice se boriti za pravdu i pravo

najviše od tako malo što ima svoj teško oboljeloj kćerki. I nju je vlast jednim dizanjem ruke ostavila bez ikakve redovne pomoći, ali, ističe Čaušević, aktiviste ove nevladine organizacije ni to neće zaustaviti da se nastave boriti: za što više pravde i prava.

Iako, priznaje i Čaušević, nakon što se desio spomenuti zakon oko kojeg su se udruženja invalida podijelila, on je prvi put došao u iskušenje da odustane od altruista.

„Ako mi ne možemo biti složni makar oko toga da sve invalidne osobe zaslužuju jednake mogućnosti, a pose-

bno oko toga da se prava jednih ne mogu ostvariti na račun prava drugih, kako onda očekivati razumijevanje vlasti“, ogorčen je i dalje Čaušević, čiji altruisti ne okupljaju samo neposredno zainteresovane, osobe s umanjnim sposobnostima, njihove roditelje ili staratelje, nego i sve građane koji na bilo koji način misle da mogu pomoći Svjetlu kako bi njegove članove i stvarno svjedo još više obasjalo.

Čuli smo i o tome da je od 338 mladih iz Altruista s lakom retardacijom dobilo posao samo njih tri promila, i o termi-

nima kojima treba zvati te osobe, a koji su za njih uvredljivi, recimo, uvredljiv je - hendikepirane osobe, ali i onaj koji govori o posebnim potrebama.

„Mi smo svi s istim potrebama, samo ih na različite načine ostvarujemo“, kazao je Čaušević i spomenuo primjer mladića s Dawnovim sindromom, kojem je otac poginuo u ratu, a majka mu je nedavno umrla. Srećom, porodica je preuzela brigu o njemu.

Izvući najbolje

„Kada smo nedavno bili na jednom skupu, i on je htio ići u klozet, pokazao je rukom šta želi, odveli smo ga. To je nekome ništa, ali za njega je to veliki poduhvat. Važno je iz svakoga od nas izvući najbolje što imamo, što znamo“, ističe Čaušević.

Ne samo zato što su novinari, stvarni novinari, a i to možda nešto govori, dobili na poklon jedan ukrasni ručni rad članova Altruista, u pravu je mudrac. Oni nemaju mnogo toga, ali imaju ono što smo mi izgubili: da vole ljude i da se raduju sitnicama.

E. KAMENICA